



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitulum XII.

[urn:nbn:de:hbz:466:1-62587](#)

tam decisam & irrefractabilem reddat, partim propter Iuris & Iudicis auctoritatem, partim propter partis non appellantis consensum & renuntiationem.

Sunt vero aliquæ causæ, in quibus non interposita appellatione per decendum nova Iudicij instantia postulari potest, saltem probabili, allegatâ causâ, secundum Innoc. cap. Tenor. b. tit. Et hoc est, sententiam non transire in rem judicatam: id est, rem seu causam non reddi ita judicatam & decisam, ut iterata cognitio & decisio peti non possit etiam ab ipso metu litigante, allegante propriam turpitudinem & inconstitiam suam, si videlicet confessus fuerit, quod iam negat, prout tradunt DD. nominatim Abb. in cit. cap. Lator. Quod turpitudinem suam licitum est allegare, si non allegando periculum animæ inferatur.

Talis itaque causa, in qua sententia lata non transit in rem judicatam, est matrimonialis, propterea quod nec Iuris, nec Iudicis auctoritas, nec partium consentus aut renuntiatio efficere possit, ut matrimonij legitimè contracti separatio fiat, sed neque vice versa, ut matrimonio non legitimè contracto, subsistente impedimento eius dirimete, vir & mulier carnaliter coniungatur, cum agatur de periculo animæ, quemadmodum regula traditur apud eundem Abb. in cit. c. Lator. v. g. quod sententia peccati nutritiva nunquam transit in rem judicatam.

Nor. II. Propter solam confessionem aut dictum seu unius seu utriusque coniugis, nullum inter ipsos intercedere impedimentum, non redintegratur matrimonium, quod ante rationabili & legitimo iudicio Ecclesiæ videlicet secundum allegata & probata separatum fuit, quemadmodum nec ob confessionem aut dictum unius vel utriusque intercedere impedimentum, separatur matrimonium, quod antea cum Ecclesiæ approbatione contractum erat. c. Supereo. s. De eo qui cognovit. & notat Gloss. finalis hic.

Id denique recte monet eadem Glossa. si post coniugum separationem iudicio Ecclesiæ factam, alia iudicij instantia petatur, quia dicitur errorem commissum esse, seu

nullum impedimentum intercedere, tum alios testes producendos esse, propterea quod Iudicij instantiam postulans priores testes periueros esse dicat, id est que inhabiles ad testificandum, iuxta cap. Sicut. 9. De testibus.

CAPITULUM XII.

PARAPHRASIS.

Cum Archidiaconus Ecclesiæ Magalonensis vacaret, Episcopus nominauit P. de Castro nouo, sed Praepositus dictæ Ecclesiæ protestatus est, Archidiaconum insti-tui non debere, nisi duplici sibi concessio suffragio, & si id negetur, ad Sedem Apostolicam adversus institutionem appellavit, verum hoc non obstante, Episcopus dictum P. per annulum investiuit, at vero Praepositus alium nominauit; postea ad Sedem Apostolicam.

Cœlestinus Papa intellectâ hac controuersiâ, utriusque partis acta cassauit; insuper pronuntiavit scribendum esse ad quosdam, ut Epilcopum, Praepositum & alios ad Archidiaconum concorditer instituendum disponerent; sin autem hoc impetrare non possint, ut ipsi metu aliquem instituant; postea vero idem Cœlestinus, G. qui nondum Diaconus erat, ignorante Episcopi Procuratore Romæ tunc morante, Archidiaconatum contulit, sicut credere licet circumventus. Quare Innoc. III. inhærens vestigiis suorum antecessorum dicentium: quod sententia Romanæ Sedis in melius commutari possit, si aliquid falsitatis obrepserit, collationem ipsi G. factam (non obstante quod etiam Episcopus Magalonensis eandem collationem non sine Apostolica Sedis illusione eidem fecisse narretur) in irritum revocat, eique licet absenti super dicto Archidiaconatu perpetuum silentium indicat, atque insuper Capitulo præcipit, ut Archidiaconum convocatis omnibus,

nnn 3

qui

qui in Ecclesia præsentes sunt, Canonicis, ordinare aggrediantur.

S V M M A R I V M.

1. *Potest de consuetudine Praepositus simul & Canonicus duo suffragia habere.*
2. *Quo casu non potest ea suffragia duo in diuersos dividere & duos eligere.*
3. *Si Papa, vel alius Ordinarius contra præcedentem suam sententiam conferat beneficium, vel rescriptum gratia prioris sententia immemor, obreptitia est collatio beneficij & rescriptum.*
4. *Ampliatur hac doctrina.*
5. *Si impetratur rescriptum litis à parte, parte altera vel eius procuratore presente, citari ea debet.*
6. *Sententia principis ob falsitatis vel erroris obreptionem reuocari & mutari debet.*
7. *Illudi censetur Sedi Apostolicae si Papa postquam contulit beneficium, inferior collator idem conferre velit.*
8. *In facto notorio, ita ut liquido constet, nullam reo defensionem competere posse, valeat sententia lata contra absentem, etiam non citatum.*

Not. I. Si Ecclesiæ alicuius consuetudo sit, vt personatum gerens, v. g. Praepositus, vocem in Capitulo habeat, tametsi Canonicus non sit, tunc si Praepositus etiam Canonicatum habeat, duplē vocem in Capitulo habere debet, ita colligi videtur ex hoc Capitulo, & tradit hic *Innoc. III. in principio*. Quia fortè, ait ipse, plurimum personarum vicem gerebat, videlicet Praepositi & simplicis Canonici. *Ioan. Andr. hic. n. 8.* benè limitat, nisi sit alia consuetudo Ecclesiæ videlicet, vt tametsi aliquis diversa officia habeat, quibus singulis seorsim jus suffragij competit, tamen si ea in una persona concurrent, non nisi ei vox una concedatur. Quam consuetudinem æquissimam esse censet, vt nullus in uno corpore seu Collegio plura suffragia habeat jure sui capitatis, licet plura habere possit ex aliorum commissione, seu vt Procurator aliorum, idemque sequitur *Abb. hic. n. 2. & alijs.*

Id verò addendum est, si consuetudo sit, vt Praepositus simul & Canonicus duo suffragia habeat, quod nō debeat ea dividere in diuersos, seu diuersos eligere, sed unū pro uno suffragium dare, licet id æquiualeat duobus propter duplē qualitatem & duplex jus eius. *argumento. c. Si quis. 46. §. Porro. de elect. in 6.*

Notand. II. Si Papa, alijsue Ordinarius aduersus præcedentem suam sententiam, collationem faciat, aliudue rescriptum etiam gratiæ tribuat, prioris sententiæ seu pronunciationis mentionem nullam faciens, censeri debet collatio, aut rescriptum obreptitium, ita sumitur ex text. & notant DD. communiter, nominatim *Abbas. n. 13.* & habet locum doctrina 1. Tametsi collatio aut rescriptum gratiæ proprio motu emanarit, quia motus proprius non confirmat gratiam contra præsumptam intentionem concedentis; secundum *Joannem Andr. in c. Si motu. princip. de prabend. in 6.*

2. Habet locum non tantum in collatione beneficii facta contra interlocutoriam sententiam, aut priorem refutationem. v. g. facta Legato pro Titio (si postea nullâ eius mentione facta alteri conferatur) sed etiam in duabus interlocutoriis, ita vt posterior priori contraria eius nulla mentione facta per circumventionem emanare censeatur, vti docet gl. *hic verb. circumuentus*, præterquam si ex circumstantiis appareat iudicem prioris. v. g. paulò ante prolatæ interlocutoriæ sententiæ rectè memorem esse, sicut *Abbas. hic. limitat. n. 13.* quandoquidem in facto proprio ac recente, ignorantia facile præsumenda non est. *argumento. c. Ab excommunicato. 41. de rescriptis.*

Notand. III. Si impetratur rescriptum litis à parte, altera vel Procuratore eius præsente in Curia, citari ea debet. Ita *Alexandr. hic. not. 4. post Hostiens.* qui testatur ita servari in Curia Roman. videri potest *Abbas. hic. n. 16.*

Notand. IV. Sententia Principis propter falsitatis seu Erroris obreptionem reuocari & mutari debet, consentit *cap. Tùm ex literis. 5. de in integrum restit.*

Not.

6 Notand. V. Si postquam Pontifex beneficium contulit, inferior collator se immiscere & idem conferre velit, Sedi Apostolice illudi censetur; ita gl. hic. & Alex. not. s. Quia haec res speciem habet quasi inferior potestas antecellat superiori.

8 Not. VI. Si notorium sit factum, adeo ut etiam liquidò constet, nullam Reo condemnando defensionem competere posse, valet sententia lata contra absentem, etiam non citatum argumento. c. Ad nostrum. 21. de jure inrand. & notat gl. verb. absenti. Bart. int. 1. §. Sive frumentar. ff. de administr. rerum &c. Alex. not. 6. & videri potest Abbas. n. 20. & seqq. vbi aliam Regulam confirmat, quod in facto notorio si possit aliqua defensio Reo competere, semper requiritur citatio, alias sententia erit nulla, quippe contra jus naturale.

C A P I T U L U M XIII.

Cùm inter.

P A R A P H R A S I S.

Abbas & Conuentus S. Zenonis Veronensi nomine Monasterii sui agebant contra Archipresbyterum & Clericos S. Proculi, proponentes, quod eorum Ecclesia Monasterio pleno jure subiecta esse debeat, videlicet quoad institutionem & destinationem, investituram Archipresbyteri, fidelitatis promissionem ab Archipresbytero Abbatifaciendam, eiusdem quoque & fratrum suorum obedientiam, presentationem ad ordinem & tonsuram, Chrismatisunctionem, Litanias, siue Processionem, & similia, quibus plena subiectio significatur, ad eamq; probandam ex parte Monasterii exhibitum fuit publicum instrumentum concessonis facta à B. quondam Veronensi Episcopo, quam concessionem eius successor G. ratam habuit, & confirmauit; insuper quoque Romanorum Pontificum & Aquilegiensium Patriarcharum priuilegia & confirmationes productæ sunt, quorum unus in priuilegio suo de subie-

ctione plenariâ expressè meminit, fuitq; hoc priuilegium conditū sub testimonio R. postea Veronensi Episcopo, qui illo tempore eiusdem Ecclesiae Archipresbyter fuit, petiūque, vt Prior S. Zenonis suo loco subscriptionem faceret (quia ipse fortassè non poterat) præterea ex parte eiusdem Monasterii propositum fuit, quod inter B. quondam Monasterij Abbatem & Archipresbyterum S. Proculi ac fratres eius, olim controversia orta fuerit super fidelitate & obedientia manuali; nam ad hæc duo se Abbatii obligatos esse negârunt, & testes produxerunt, denique verò Episcopus Veronensis Cardinalem quendam sequens, qui hoc idem antea judicauerat, sententialiter definitiuit, vt vel Archipresbyter Ecclesiam dimittat, vel Abbatii obedientiam promittat, quæ sententia, cùm ab ea appellatum non fuerit, in rem judicatam transiit, atque insuper 50. anni elapsi sunt, ex quo Monasterium S. Zenonis in possessione Ecclesiae S. Proculi tanquam pleno jure subiecta permanxit. Tametsi verò supradicto donationis seu concessionis instrumento fortassè non multum innitendum sit, sed neque confirmacionibus, seu priuilegiis sequentibus, quippe quæ à priori instrumento illo causam & originem acceperunt, tamen cùm inter litigantes ipsos ex lata sententia jus factum sit, posteaquam in rem judicatam transiit, et si poneremus contra jus litigatoris latam fuisse (quandoquidem non expresè contra legem lata fuit) ideò veritas judicialium aëtorum, quæ ob aëtoritatem rei judicatae legitima præsumuntur, præualere debet sermonibus seu verbis priuilegiorum, ac proin definiti Papa Innoc. III. vt Archipresbyter S. Proculi, qui pro tempore fuit, fidelitatem & obedientiam præstet Abbatii S. Zenonis.

S V M M A R I U M.

1. Ecclesia secularis potest per specialem concessionem aut præscriptionem esse subiecta

Eta